

Morning Dogri (NSD) National News Bulletin 20-06-2025

आकाशवाणी

- प्रधानमंत्री नरेन्द्र मोदी होर अज्ज बिहार च केई विकास परियोजनाएं दा शुभारंभ करडन।
- प्रधानमंत्री नरेन्द्र मोदी अज्ज दपैहरी ओडिशा च भारती जनता पार्टी दी पैहली सरकार दर इक ब'रा पूरे होने दे मौके उपपर आयोजित कार्यक्रम च शामिल होडन।
- सिक्किम च, कैलाश मानसरोवर जात्तरा, 5एं ब'रें दे वकफे परैन्त नाथुला थमां अज्जै शा शुरु होग।
- ईरान दे परमाणु ते फौजी ठिकानें पर इस्राइल दे ब्हाई हमलें ते ओह्दी परते आहली कार्रवाई दे चलदे ईरान दे बदेश मंत्री अज्ज जिनेवा च जर्मनी, फ्रांस ते ब्रिटेन दे बदेश मंत्रियें कन्नै मलाटी करडन।
- मलेशिया च खेड्ढी जा'रदी एशियाई स्कवॉश प्रतियोगिता 2025 च भारत दे वेलावन सेंथिल कुमार होरें सेमीफाईनल मुकाबले च अपनी थाहर पक्की करी लैती ऐ।
- ते क्रिकेट च, अज्जै थमां लीड्स च भारत ते इंग्लैंड बश्कार तेंदुलकर-एन्डरसन ट्रॉफी दी 5 मैचें दी श्रृंखला दा पैहला टेस्ट मैच शुरु होग।

<><><><><><>

PM-Bjhar Visit

प्रधानमंत्री नरेन्द्र मोदी होर अज्ज बिहार दा दौरा करगन। ओह् सिवान जिले दे पचरूक्खी ब्लाक हेठ पौने आले जसोली च दपैहरी कोई 12 बजे जनसभा गी संबोधत करगन। प्रधानमंत्री होर जसोली थमां वीडियो कांफ्रेंसिंग राएं शैहरी विकास, सीवरेज ट्रीटमेंट पीएम आवास योजना ते रेलवे कन्नै जुड़े दे मते सारे विकास प्रोजेक्टें दा उद्घाटन करने दे कन्नो कन्नी केई कम्में दा नीह पत्थर बी रखगन।

<><><><><><>

PM Odisha

प्रधानमंत्री नरेन्द्र मोदी अज्ज दपैहरी ओडिशा च भारती जनता पार्टी दी पैहली सरकार दर इक ब'रा पूरे होने दे मौके उपर आयोजित कार्यक्रम च शामिल होउन। एह कार्यक्रम भुवनेश्वर दे जनता मैदान च आयोजित होग। श्री मोदी होर इस मौके पर 18 ज्हार 600 करोड़ रुपें शा मते दिएं विकास परियोजनाएं दा शुभारंभ ते नीह पत्थर बी रखखउन। एह परियोजनां पीने आहले पानी, सिंचाई, कृषि, सेहत, सिड़कें-पुलें, राष्ट्रीय जरनैली सिड़क ते रेलवे आहले खेत्तरें कन्नै सरबंधत न। मुख्यमंत्री मोहन चरण मांझी हु'दी अगुवाई च राज्य सरकार दा इक ब'रा पूरे होने पर आयोजित कार्यक्रम च पार्टी कार्यकर्ताएं दे अलावा नेकां केन्द्री मंत्री, राज्य मंत्री, ओडिशा दे सांसद ते विधायक बी मजूद रौहउन। राज्य सरकार नै प्रधानमंत्री नरेन्द्र मोदी हु'दे दौरे गी दिखदे होई भुवनेश्वर ते कटक दे सभनें स्कूलें च इक दिनै दी छुट्टी घोषित कीती ऐ।

<><><><><><>

President Visit Uttrakhand

राष्ट्रपति द्रौपदी मुर्मू होर अज्ज उत्तराखंड दे देहरादून च राष्ट्रपति निकेतन च बक्ख-बक्ख प्रोजेक्टें दा उद्घाटन करगन ते केई कम्में दी बुनियाद रखगन। इस दरान श्रीमती मुर्मू राष्ट्रपति पार्क दा नीह पत्थर रखगन। राष्ट्रपति निकेतन ते राष्ट्रपति तपोवन 24 जून थमां आम लोकें लेई खुल्ली जांगन। एहदे अलावा मुर्मू होर 132 एकड़ रकबे च बने दे इस राष्ट्रपति पार्क दी बी नीह पत्थर रखगन। इस पार्क दे इक ब'रे च मुक्कमल होने दी मेद ऐ ते मगरा इसी लोकें दी आमद लेई खोली दित्ता जाग।

<><><><><><>

PM Vishakhapatnam

प्रधानमंत्री नरेन्द्र मोदी कल आंध्र प्रदेश दे विशाखापत्तनम च 11में अंतर्राष्ट्री योग दिवस आहले कार्यक्रम च हिस्सा लैउन। एहदे शा पैहले आंध्र प्रदेश सरकार नै इक्क म्हीने दे राज्यव्यापी योग जागरूकता ते सिखलाई अभियान योगआंध्र 2025 दा आयोजन कीता। इस अभियान दा समापन कल अंतर्राष्ट्रीय योग दिवस पर देशै दे हूनै तगर दे सभनें शा बड्डे सार्वजनिक योग प्रदर्शन दे रूपै च होग।

<><><><><><>

Yoga Day

संस्कृति मंत्रालय देसा दे 10 सैलानिएं आली प्रतिष्ठित थाहरें ते 50 होर सांस्कृतिक थाहरें पर योग सत्रें दा आयोजन करियै योग दे 11में अंतर्राष्ट्रीय दिवस मनाग। कल होने आले एह कार्यक्रम आयूष मंत्रालय आस्सेआ विशाखापत्तनम च आयोजित कीते जा'रदे मुख्य उत्सवें दे पूरक होंगन, जिंदे च प्रधानमंत्री नरेन्द्र मोदी बी हिस्सा लेंगन।

<><><><><><>

Yoga-Jadhav

आकाशवाणी न्यूज़ गी दित्ते गेदे खास इंटरव्यू च राज्य मंत्री प्रतापराव जाधव जिंदे कश स्वतंत्र प्रभार ऐ, होरें आखेआ जे योग इक जीवनशैली ऐ ते एह सिर्फ इक दिनें दी दिन चर्चा नेई ऐ। उनें लोकें गी अपील कीती जे उनेंगी अपने जीवन च योग गी शामिल करना लोड़चदा ते अपने परोआर दे सदस्यें गी बी योग करने लेई उनेंगी प्रेरित करना चाहिदा।

<><><><><><>

Kailash Mansarovar Yatra

सिक्किम च कैलाश मानसरोवर यात्रा अज्ज बडलै नथला थमां शुरू होआ'रदी ऐ। कुल 36 सदस्यें दा समूह इस पुण्य यात्रा दी शुरूआत करोग जेह्दे च राज्यपाल ओम प्रकाश माथुर होर झंडा फैहरा'रदे न। सैलसफा ते नागरिक हवाबाजी मैह्कमे दे अतिरिक्त मुख्य सचिव सी. एस.राव होरें आखेआ ऐ जे राज्यपाल यात्रुएं कन्नै गल्लबात करगंन ते यात्रा गी झंडी दस्सियै रवाना करगंन। उनें आखेआ जे इस आयोजन गी कामयाब बनाने लेई बक्ख—बक्ख मैह्कमें कन्नै रली—मिलियै कम्म कीता जा'रदा ऐ।

<><><><><><>

Europe Iran FMS Meet

ईरान दे परमाणु ते फौजी ठिकानें पर इस्राइल दे ब्हाई हमलें ते ओह्दी परते आहली कार्रवाई दे चलदे ईरान दे बदेश मंत्री अज्ज जिनेवा च जर्मनी, फ्रांस ते ब्रिटेन दे बदेश मंत्रियें कन्नै मलाटी करडन। सरकारी समाचार एजेंसी इरना नै दस्सेआ जे ईरान दे बदेश मंत्री अब्बास अरागची अज्ज इस बैठक लेई जिनेवा पुज्जडन।

फ्रांस, जर्मनी, ब्रिटेन ते यूरोपी संघ दे बुधवारें जारी सांझे बयान मूजब सभ्मनें पक्खें गी सबर दस्सदे होई कूटनीतिक हल कड्डना लोडचदा ते तनोतनी बधाने आहली गैहीं थमां बचना लोडचदा ऐ। इ'नें त्र'उं यूरोपी मुख्खें ईरान दे कन्नै 2015 दे परमाणु समझौते पर गल्लबात च महत्वपूर्ण भूमिका निभाई ही, पर हून इ'नें त्रौनें दा आखना ऐ कि जेगर ईरान संयुक्त राष्ट्र परमाणु निगरानी संस्था दे कन्नै सैहयोग नेई करदा ऐ तां ओह समझौते तैह्त् हटाई गेदी बंदिशां फही लागू करी देडन।

<><><><><><>

World Refugee Day

अज्ज विश्व शरणार्थी दिवस ऐ। पूरी दुनिया च शरणार्थियों दे प्रति सम्मान व्यक्त करने लेई संयुक्त राष्ट्र नै इसी अंतर्राष्ट्री दिवस दी मान्यता दित्ती ऐ। एह ध्याड़ा ओकड़े लोकें दी दलेरी ते ते ताकत दा सम्मान करदा ऐ जिनें'गी कुसै संघर्ष जां यातना करी स्वदेश छोडने गितै मजबूर होना पेआ ऐ। इस ब'रे लेई इस ध्याड़े दा विशे-सार ऐ – शरणार्थियों कन्नै इक्कजुटता। एह विशे लफ्जें थमां परे जाइयै शरणार्थियों दी सहायता लेई सार्थक गैहीं पुट्टने लेई प्रेरित करदी ऐ। संयुक्त राष्ट्र शरणार्थी आयोग नै कल नमीं दिल्ली च यूनेस्को दे सदर दफ्तरै च इस सरबंघै च कार्यक्रम दा आयोजन कीता।

<><><><><><>

Ashwini Vaishnav Russia

केंद्री रेल, सूचना ते प्रसारण ते इलेक्ट्रॉनिक्स ते सूचना टेक्नोलाजी मंत्री अश्विनी वैष्णव होरें कल सेंट पीटर्सबर्ग च रूस दे उप प्रधानमंत्री एलेक्सी ओवरचुक कन्नै मलाटी कीती। बैठक च मुख्य तौर पर ट्रांसपोर्ट, संपर्क, बुनियादी ढांचे ते दुर्लभ धातु ज्नेह खेत्तरें च सैहयोग बधाने पर गल्लबात होई। श्री वैष्णव होरें सोशल मीडिया पोस्ट च आखेआ जे बैठक सकारात्मक ते सार्थक रेई ऐ। सेंट पीटर्सबर्ग च भारत दे महावाणिज्य दूतावास दी सोशल मीडिया पोस्ट मूजब श्री वैष्णव अंतर्राष्ट्रीय आर्थिक फोरम दी बैठका च हिस्सा लैने लेई रूस दे सेंट पीटर्सबर्ग गेदे न। 18 जून थमां शुरू होई दी अंतर्राष्ट्रीय फोरम दी बैठक कल्लै तोहड़ी चलोग।

<><><><><><>

Squash

मलेशिया च खेड्ढी जा'रदी एशियाई स्कवॉश प्रतियोगिता 2025 च भारत दे वेलावन सेंथिल कुमार होरें सेमीफाईनल मुकाबले च अपनी थाहर पक्की करी लैती ऐ। जंदी राती होए दे क्वार्टरफाईनल मुकाबले च सेंथिल कुमार होरें मलेशिया दे जोआचिम चुआ होरें'गी 11-7, 11-6, 11-6 कन्नै हराया ते लगातार दुई बारी एशियाई चैंपियनशिप दे अखीरले चार च पुज्जी गे न। भारती खड्ढारिएं च वेलावन गै व्यक्तिगत मुकाबले च इत्थे तोह्डी पुज्जे न। कल सेमीफाइनल च उ'दा मुकाबला हांगकांग दे दुए नम्बरै दे खड्ढारी लाउ त्स क्वान कन्नै होग।

<><><><><><>

Cricket

क्रिकेट च भारत ते इंग्लैंड बश्कार सचिन-एंडरसन ट्रॉफी दी 5एं मैचें दी श्रृंखला दा पैहला टैस्ट मैच अज्ज लाड्स दे हेडिगले च शुरू होग। एह मैच भारतीय समें दे मताबक साढ़े 3 बजे शुरू होग।

<><><><><><>

AIFF

अखिल भारतीय फुअबाल महासंघ नै एआईएफएफ दे साबका उपाध्यक्ष ते कार्जकारी समिति दे सदस्य श्री अतओ मेझर हुंदी मौती पर बसोस बुज्जेआ जेह्दी इस हफ्ते दी **Hockey**

<><><><><><>

Weather

भारतीय मौसम विभाग नै आखेआ ऐ जे दक्खन-पच्छमी मानसून नै बिहार ते पूर्वी उत्तर प्रदेश गी कवर करी लैती ऐ। विभाग नै एह बी आखेआ ऐ जे अगले किश दिनें च मानसून उत्तर ते मध्य भारत च अगड़ा चली जाग।

<><><><><><>